

D. D.
118

**DISSERTATIO HISTORICA,
SOLENNEM INSCRINATIONIS ACTUM
B. EPISCOPI ABOENSIS
HEMMINGI**

EXHIBITURA.

C U F U S

PARTEM PRIOREM,

Venia Ampliss. Ord. Philos. in Reg. Acad. Aboëns.

P RÆS I D E

**M_{AG.} JOHANNE
BILMARK,**

HISTOR. ET PHIL. PRACT. PROFESSORE REG. ET ORD.

Publico submittit Examini

GUSTAVUS SIVERS,

Ostro-Gothus.

In AUDITORIO MAJORI Die VIII Martii MDCCCLXXV.

H. A. - M. S.

A B O Æ

Impressit JOHANNES CHRISTOPHORUS FRENCKELL.

SÆ RÆ M:TIS
SPECTATISSIMÆ FIDEI VIRO
ET
SECRETARIO AD REGIAM ARCISS CANCELLARIAM,
NOBILISSIMO DOMINO,
D: NO HENRICO
DE SIVER S,
FRATRI DILECTISSIMO, HONORATISSIMO,

NEC NON
RECTORI SCHOLÆ TRIVIALIS SUDERCOPIENSIS,
PLURIM. REVER. atque PRÆCLARISSIMO DOMINO,
MAG PETRO
WIMMERMARK

Partim.

Ob Fraternam benevolentiam

Partim

Ob indefessum circa Institutionem meam studium

Dissertationem hanc Sacram

esse voluit ac debuit

AUCTOR.

P R A E F A T I O.

Ex quo Pontificum Romanorum potentia eo usque crevit, ut arbitros Religionis sese constituerent, omnem deinceps operam ipsi impenderunt, ut non tantum sceptra omnia suo subjicerent pedo, sed etiam populorum animis jugum imponerent, sibique auctoritatem quavis civili superiorem & Divinæ proximam adsererent. Quantum a fana ratione isthoc abhorruit institutum, tantum in eo elaborarunt Joves Capitolini, ut rationis multoque magis revelationis usum corrumperent atque suffocarent; utriusque loco superstitiones quasdam ceremonias hominibus obtrudentes, quibus tam ad Pontificum Romanorum venerationem adducebantur, quam a vera pietate longius quotidie recedebant. Hinc non sibi tantum vicariam DEI in terris gubernationem arrogarunt, sed ministris etiam suis, tam vivis partem vasti hujus imperii concederunt, quam pridem defunctis famaque rerum, in commodum sive Ecclesiæ sive Hierarchiæ Pontificiæ gestarum, celebribus Divinum cultum tribuerunt. Enimvero ne coacta esset hæc veneratio, quæ reliquiis defunctorum exhibebatur, necesse fuit, tum ut facta eorum quodam magnalium fuco incrustarentur, tum ut miracula, ad eorum tumulum patrata, ebuccinarentur & idoneis confirmarentur testibus. Hoc ad fidem simplici vulgo faciendam evicto, ossa defunctorum ex humo, qua condita fuerunt, eruebantur, atque scrinio, ex argento plerumque confecto, magna ceremoniarum pompa includebantur. Actum hunc insequebatur ipsa

A

Apo-

Apotheosis seu Canonizatio, qua Pontifex Romanus de-
 mortuum, magna solennitate consecratum, in Divorum
 & Sanctorum numerum retulit, eique, ceu novo Numi-
 ni, Divinum cultum, ab omnibus exhibendum, Aposto-
 lica, quam sibi vindicavit, auctoritate tribuit. De cano-
 nizationis hujus origine, progresu, cum paganico cultu
 convenientia, nec non de ipsius moralitate, impræsen-
 tiarum dicere nihil attinet, quum multi multa in isthoc
 argumento pridem scriplerint. Alio nos vocat instituti nostri
 ratio. Scilicet inter Templi Cathedralis Aboënsis Ci-
 melia, quæ admodum pauca supersunt, primus invenit
 Pl. Reverendus Templi Oeconomus b. m. Dn. DAVID
 DEUTSCH Manuscriptum quoddam exhibens ritum,
 quo reliquiæ Episcopi Aboënsis B. Doctoris HEMMIN-
 GI, senio fuerunt inclusæ, qui rarissimum hoc scriptum
 confessim tradidit Historiarum Professori ad hanc Aca-
 demiam & Cancellariæ Regiæ Cancellario b. m. Dno
 ALGOTHO SCARIN (a). At inclytus hic antiquitatum
 Patriarum scrutator, partim senio, partim aliis negotiis
 impeditus, nec litterarum notas explicuit, nec observa-
 tionibus suis scriptum hoc illustravit, sed tale, quale id
 acceperat, paullo ante obitum suum tradidit successori
 suo in munus Cel. Præsidi meo; qui iterum mihi in-
 junxit, ut eidem enucleando studium & operam qua-
 lemcunque meam impenderem, varia benigne mihi sup-
 peditans adminicula, quæ ad praesentis argumenti illu-
 strationem apprime fuerunt necessaria. Quod ad ipsum
 manuscriptum attinet, est hoc consignatum a famigera-
 tissimo Episcopo HEMMINGO GADD, uti ex sequenti-
 bus luculenter constabit. Videtur quoque esse ἀντίγρα-
 φη, quamvis lituræ passim occurrant, quæ lectionem
 reddunt perquam difficultem. Est illud insuper ordinaria
 charta in folio tribus paginis exaratum, jam vetustate at-
 que usu ferme fatigens; figura vero litterarum & conti-
 nuæ

nus fere abbreviationes satis superque indicant, illud circa initium Seculi XVI esse constitutum. Hoc antiquitatis cimelium tanto magis dignum judicavimus, quod in publicam emitteretur lucem, quo pauciora ad nostram memoriam pervenerant documenta, Historiam Fennicam illustrantia. Cui accedit, quod ex isthoc discamus partim subdolas Pontificum Romanorum technas in fascinandis populorum animis, partim mores Majorum nostrorum istis superstitionum seculis. Quam ob rem non tam sperramus, quam potius confidimus, Lectorem Benevolum innoxios nostros conatus pro ea, qua est, æquanimitate meliorem in parteni fore interpretaturum,

(a) Hinc factum est, ut hujus Manuscripti mentionem faciat Rev. Episcopus A. RHPZELIUS in sua Episcoposcapie Tom. I. p. 13 not. h.

§. I.

Fuit autem Episcopus Aboensis D:rus Doctor HEMMINGUS natus 1291 in Parœcia Uplandiaæ Bælinge, Diœcesi Upsaliensi subjecta; ipseque in studiis Litterarum, ut tempora tunc erant, non solum optime versatus, sed etiam ob integratem morum adeo celebris, ut Canonicus primum Upsaliensis & paullo post Aboensis fuerit constitutus. Heic autem omnium animos ita sibi devinxit, ut postquam Episcopus Finlandiae BENEDICTUS An. 1338 e vita excesserat, communibus Capituli suffragiis ad Cathedram Aboensem An. 1340 (a) fuerit electus, atque, impetrata confirmatione Papali ab Archi-Episcopo Upsaliensi PETRO PHILIPPI in Templo S. Nicolai Holmiæ inauguratus. Sicut admodum inipiger fuit in munere sibi demandato rite administrando; ita nullam prætermisit occasionem; qua Diœceseos suæ commoda promovere posset:

et: cuius rei argumentum est, quod Alandiam quæ Diœcesi Upsaliensi hactenus fuerat innexa, jurisdictioni Episcopi Åboënsis subjecerit (b). Circa auspicia muneric Episcopalis An. 1340 fundavit Præposituram Aboensem, cui multa subjecit prædia, quæ enumerantur *Cairis*, (non Korois) *Medelby*, *Fænissari*, *Forsby* &c. (c). De ipso etiam templo bene mereri non intermisit, sed idem variis modis ditavit. In primis huic donavit *Infulam Episcopalem* & *Pedum* (*Möha och Fräckla*), eximium vestitum missalem (*Mässeskrud*), atque insignem librorum Theologicorum & Juridicorum suppelætilem (d). Nec minus in publicis Regni negotiis inclaruit, præcipue in Comitiis Wardbergensibus An. 1343, in quibus confœderationi in Octobri subscripsit cum aliis Præsulibus Sveo-Scanicis (e), qua statutum, ut Scania, Hallandia & Blekingia imperio Svethico, cui haec provinciae ab antiquissimis inde temporibus paruerant, in perpetuum subjicerentur. Paullo autem post incidit in gravissimum odium Regis MAGNI SMEK, quem propter dissolutam vitam & perversam imperii administracionem justo pioque elenco sapienter increpaverat; a quo propterea bis carceri mancipatus fuit. Anno enim 1347 inquit MESSENIUS (f) *S. HEMMINGUS* incolarum ob tributa agraria, a Rege Magno imposta, lamentantium miseratus, & Regi sese opponens, ab illo in Finlandiam veniente in vincula conjicitur. Et paullo post: An. 1361. *S. Hemmingus* Magnum ejusque Reginam parricidii in Ericum filium sibi carissimum arguens in custodiam iterum intruditur, unde sacra per regnum quinquennio obmutuerunt (g). Immo Rex Episcopum hunc diutius forte in vinculis detinuissest, nisi fulmina Jovis Capitolini extimuissest. Libertati autem redditus hic Præful, sedulam dedit operam, ut singula negotia in Diœcesi sua decenter peragerentur, effrenosque Monachos intra officiorum gyrum graviter coercuit. Atque hoc modo sese geslit usque ad annum

1367, quo pedum Episcopale, quod per XXVII annos
gesserat, depositus, ex hac vita commigrans, corpusque
eius in supremo Templi Aboensis Choro fuit sepultum.

(a) Ad clavum Episcopalem An. 1341 ipsum accessisse tradit *MESSENIUS Scond. Illustr. Tom X.* p. 15. E-
nimvero quum in confessio sit, quod Episcopus HEM-
MINGUS per XXVII annos pedum Episcopale gesserit,
atque An. 1367 decesserit, ipso etiam *MESSENIO* teste in
Scond. Illustr. Tom. III. p. 24, evidens est, quod munus
Episcopale An. 1340 adierit. Adde quod Episcopus hic,
An. 1340. Præposituram Aboensem instituerit, vid. *RHY-
ZELII Episcopos. Tom I.* p. 331. (b) Vid. *MESSENII
Scond. illustr. Tom. III.* p. 10 & *Chronic. Finlandie* p. 15.
(c) Vid. *JUSTENI Chronicon in L.B. de NETTELBLADT
Biblioth. SvioGotb. Tom. I.* p. 70 (d) Confr. *RHYZE-
LII libr. cit.* p. 331. (e) Vid. *LUNDII Notas ad AGA-
PETI litteras* p. 14. (f) Vid. *Scond. Illustr. Tom III.* p.
13. (g) Vid. *Libr. modo cit.* p. 20.

§. II.

Proba HEMMINGI vita, diligens & exacta muneris
administratio, emendatio vitæ Monachorum, qui nullum
non licentia genus sibi permittebant, imprimis vero ob-
stinatio illa animi, qua Regi MAGNO, SMEK cognomi-
nato, denarium S. PETRI sibi & Regno vindicanti, acer-
bime restitut (a), præcipue fuerunt causæ, propter quas
magnam sanctitatis famam in Ecclesia Romana consecu-
tus est hic Episcopus. Addunt Papicolæ, Præulem hunc
adeo sanctum fuisse, ut Divina revelatione gavisus fuerit,
cum alias, tum imprimis circa nativitatem B. BIRGIT-
TÆ. Tunc enim vidisse perhibetur nubem lucidam, &
in medio nubis Virginem sedentem, atque librum expli-

eatum manu tenentem, & hæc simul proloquentem audivit: *Nata est BIRGERO filia, cuius admirabili voce mundus universus personabit (b).* An vigilans vel in somno hoc viderit & audiverit non perhibent annales. Ineptum autem hoc esse commentum, & ad aniles fabulas referendum, ipsa docet Chronologia; B. HEMMINGUS enim An. 1304, quo nata est B. BIRGITTA ex ephebis vix dum fuerat egressus (c). Quicquid hujus apparitionis sit, merita B. HEMMINGI tanti sunt habita, ut Capitulares Aboënses, & cum illis Proceres ac Præfules Regni, de Canonizazione ejus tam apud Concilii Constantiensis Patres, quam apud Romanos Pontifices integro ferme seculo supplices egerint. Imprimis id negotii in se suscepit HEMMINGUS GADD, qui sicut diu in Aula Romana verlabatur, ita non prius destitit, quam Pontifex Romanus desideratum honorem B. HEMMINGO decerneret. Hoc factum est indultu Papæ ALEXANDRI VI. data Romæ Bulla die 16 Martii An. 1499. Nec tamen ante devolutos inde XV annos, hoc est An. 1514, præsentibus ex commissione Romana, præter Episcopum Aboensem ARVIDUM KURCK, JACOBO ULPHONIS Archi-Episcopo Upsaliensi, & MATTHIA RYNING Episcopo Stregnæsensi, reliquiæ B. HEMMINGI solennitate confusa in Basilica Aboensi de sepulcro elevatae sunt, & scrinio argenteo inclusæ. Ita OLAVUS PETRI & PAULUS JUSTEN, temporibus illis contigui; atque illius quidem in Chronico MSto hæc habentur verba: *Anno Domini 1514 foro Erchieb. Jacob. Bisck. Math. i Stregnæs til Åbo, medh naghre flere och grofwo up aff jordene helighe Hemmingbz been, som ther Biskop hade warit ij Konungh Måns Smeks tid ic.; cui etiam consentit Rev. Episcopus JUSTEN (d).* Abit quidem non-nihil MESSENIUS (e), ejusque testimonio acquievit Rev. Episcopus RHYZELIUS (f); qui Pontificis LEONIS X, tunc sedentis, auctoritatem accessisse tradit; sed Bullam

adler-

adseri hujus testem non habemus. Nec est, quod mirum, B. HEMMINGI memoriam, popularium nostrorum cultui, minus fuisse commendatam, aut in Missalibus, & Breviariis, quorum Aboënsis jam An. 1488 prodierat, non esse celebratam. Solemnam enim elevationis reliquiarum B. HEMMINGI actum, turbulentia adeo insequebantur tempora, ut cultui hujus Sancti rite vacare non potuerint Nostrates, turbinibusque his quodammodo disjectis purior Lucis Evangelicæ aurora Majoribus nostris adfulsit, quæ tenebriscosas illas Pontificum Romanorum præstigias sensim dissipavit. Ceterum ipsam Bullam, cuius mentionem fecimus, heic exhibemus, quam nobiscum benigne communicavit Cancellaria Regiae Consiliarius, Nobilissimus Dominus MAGNUS de GELSE, varias maximi momenti adjiciens observationes Historicas, quod luculentissimum favoris documentum gratissimo semper agnoscemus animo.

Copia gracie novissime impetrare in negotiis beatorum Nicolai Lincensis, Brynolphi Scarensis & Hemmingi Åboënsis Episcoporum, ac sancte Ingridis, sanctimonialis Skenningensis. Venerabilibus Fratribus, Archi-Episcopo Upsalensi, Lincensi, Scarensi & Aboënsi Episcopis.

Venerabiles Fratres salutem &c. Supplicatum fuit nobis per dilectum filium, Hemmingum Gad, prepotum Lincensem, Cubicularium nostrum, & vice Regis ac Regni Svecie, apud nos & se apud oratorium constitutum, ut corpora seu ossa bone memorie Nicolai Lincensis, Brynolphi Scarensis & Hemmingi Åboënsis Episcoporum, ac Ingridis sanctimonialis Monasterii Skenningensis, Ordinis sancti Dominici Lincopie Dyœcesis, quorum animæ beate, ut pie isthic creditur, in conspectu Divine majestatis acceptemur. Magnusque est populi Regnorum Svecie Dacie & Noryegie concursus, & devo-

devocio & veneracio continua vigere asseritur erga dictorum corpora & ossa, ob laudes & sancte eorum vite & meritorum opinione, & miraculorum ut dicitur coruscacione, in eisdem ecclesiis quibus prefuerunt, minus decenter pro eorum dignitate habita, ex sepulturis, in quibus jacent, in alium honestiorem & honorabiliorum locum in prefatis ecclesiis decencius transferri & honorari possint, licenciam de benignitate apostolica impetrare & concedere dignaremur. Nos igitur devotis hujusmodi supplicacionibus inclinati, dignitate Episcopali, ac aliis premissis attentis - - - - corpora Nicolai, Brynolphi & Hemmingi Episcoporum, ac Ingridis sanctimonialis prefatorum, ex locis seu sepulturis in quibus humata jacent, libere & licite exhumandi, & in locum decenciorem, in Lincopensi, Scarense & Aboensi ac monasterii prefati ecclesiis respective cum ceremoniis & Solempnibus debitibus & consuetis transferendi, & ornacius ut vobis videbitur collocandi, presentibus aliis devotis & honestis utriusque sexus personis illorum populorum Svecie, Dacie, Norvegie de eadem lingua existentibus, & ex permissione Apostolica, ut debita pietate & reverentia sine scrupulo conscientie aut labe ydololatrie omni solempnitate honorentur, donec ad canonizacionem ipsam, ut in animo nobis est, cum juris solempnibus perveniet, plenariam ac liberam facultatem conjunctim a duobus vel VIII. vestrum aliis legitim' - - - una cum publicacione miraculorum dictorum beatorum, tenore presencium auctoritate apostolica concedimus facultatem, non obstantibus constitutionibus & ordinacionibus apostolicis, ceterisque in contrarium facientibus quibuscumque. Dat. Romæ die XVI. mensis Marcii MCD nonagesimo nono, Anno septimo.

(a) Vid. MESSENII Seond. Illustr. Tom XII. p. 189.
WASTOVIVS etjam celebrat HEMMINGUM propter
Zelum,

Zelum, Regibus & potestatibus secularibus resistendi.
 (b) Vid. HEMMINGI Vitam in WASTOVII Vit. Aquilon. p. 89. Vixio huic similis tribuitur Sacerdoti anonymo in legendis S. BIRGITTÆ. (c) Erat enim B. HEMMINGUS XIII tunc annos natus. (d) In Cronicis *sutr* citato, confr. intuper Rev. BENZELII Notas ad WASTOV. p. 66. (e) Vid. Ejusd. Scord. Illustr. Tom IV. p. 72. Tom. X. p. 23. Tom. XV. p. 95. (f) Vid. Rev. RHYZELII Episcopos. Tom. I. p. 332.

§. III.

His jani præmissis, postulat instituti nostri ratio, ut ipsum actum, quo ossa Episcopi HEMMINGI ex sepulcro eruta & scrinio argenteo inclusa fuerunt, quæ ceremoniæ forte absolvebant Actum Beatificationis ab in sequente Canonizatione distingvendum (a), exhibeamus ad tenorem Manuscripti supra memorati. Et ne quid in isthoc desit argumento, adducemus ipsum *avlooyeg. Pat. Gothicum*, iuxta posituri versionem Latinam, & notulas quasdam passim subjuncturi.

Verduge Hrer och fädr
telle eptiskreffne articlar
äré i wor helge ffädrs pa
wans och romara gord
hallands nar som nogor
hälgt man jom frw ellr
quenna ophäffwes och he
liig hollas skal, sa skedde
i beatibonaventura (b) och
Leopoldi (c) canonizati
onibus.

Venerabiles Domini & Pa
tres! Subscripti articuli ex
constituto Sancti Patris Papæ
solent Romæ observari, quum
quis illustris Vir vel qua Vir
go aut Fœmina in Sanctorum
numerum cooptatur; ita fa
ctum est in beatibonaventura
& Leopoldi canonizationibus.

Fförst mith i Kyrkion en park aff bräde byggjas sa widh och bred. Kyrkian är i millom pelarna XXX alna long och iiiij alna högt. Thr oppa skal göras eth altar hedrliga breth och langt thr skal högmessan oppa sighias, och oppa then parken kommr inghen op, wthn Rijchzens Forstandhr, alle i Rodht är och gode män flr mz alle bispr och verduge prlatr aff clerkerijdh och ministraints thr skal vara en porth fore ath in ghin trengr sig in, wthn tillskckadh, mith p i trappone skal porthn wara och ij godhi män honom war taghe skule &c.

Item om i hawe icke skrin ath legge strax the hälgedoma in, tha tagr en fyarakanta kijstho ellr afflan och lathr henne forgylla mz malara gwll och helge biscop hemmingz wapn oppa alle sidr.

Primum in medio Tempi construatur theatrum ex asteribus æque amplum latumque atque templum est inter columnas, triginta cubitos longum & quatuor cubitos altum. In hoc erigetur arca, satis longa & lata, in qua Missa dicetur. Hoc theatrum adscendere nemini fas est, præterquam Regni Administratori, Senatoribus universis & aliis illustribus Viris, una cum Episcopis, magnis Cleri Præfulibus & Sacrorum ministris. Et ne quis, nisi delegatus sit, irrumpat, in medio graduum porta erit, cui custodienda duo præficiuntur viri robusti &c.

Item si statim non suppetat scrinium, sanctis reliquiis astervandis aptum, sumatur cista quadrata vel oblonga, eaque auri pigmento inaurabitur, & S:ti Episcopi Hemmingi insignibus in quolibet latere ornabitur.

Item: